



PETIKAN TITAH



Ramadhan datang lagi, satu bulan, yang darjatnya sangat tinggi di sisi Allah. Pada bulan inilah diwajibkan kita berpuasa, diturunkan Kitab Suci Al-Qur'an dan didalamnya disediakan satu malam yang lebih baik atau lebih utama dari seribu bulan.

Beta berharap, jangan siapa yang rimas dengan Ramadhan, tetapi bersedialah menyambutnya dengan hati terbuka, bukan merasa tertekan dan dukacita kerana terpaksa berlapar dan dahaga.

Inilah masanya kita akan mengaut pahala sabar, lebih-lebih lagi sabar di bulan Ramadhan yang tidak sama dengan sabar dilain-lain bulan. Kerana Ramadhan itu sendiri dinamakan ia 'Bulan Sabar', sebagaimana maksud Hadits Nabi *Shallallahu 'Alaihi Wasallam*: "Ramadhan adalah 'Bulan Sabar' dan sabar pula balasannya ialah syurga".

Marilah kita sama-sama berazam untuk menghayati Ramadhan. Hidupkan ia dengan ibadat puasa, dengan membaca Al-Qur'an, dengan qiyamullail, dengan tarawih, dengan zikir, dengan sedekah dan lain-lain amal salih.

Beta difahamkan berdasarkan riwayat, bahawa semua pintu langit dan pintu syurga adalah dibuka pada bulan Ramadhan, manakala pintu-pintu neraka pula ditutup, sekalian iblis dan syaitan dirantai, supaya mereka tidak dapat mengacau kaum muslimin dalam masa berpuasa. Satu sembahyang sunat dalam bulan Ramadhan dikira sama pahalanya dengan sembahyang fardhu pada lain-lain bulan, dan satu sembahyang fardhu pula dalam bulan Ramadhan pahalanya adalah sama dengan 70 fardhu pada lain-lain bulan.

Untuk akhirnya, Beta dan keluarga Beta dengan amat sukacita mengucapkan **Selamat Berpuasa** kepada seluruh rakyat dan penduduk yang beragama Islam di negara ini, semoga kita sama-sama dapat menunaikan kewajipan berpuasa tanpa sebarang halangan atau gangguan.

TITAH

**KEBAWAH DULI YANG MAHA MULIA
PADUKA SERI BAGINDA SULTAN HAJI HASSANAL BOLKIAH MU'IZZADDIN WADDAULAH
IBNI AL-MARHUM SULTAN HAJI OMAR 'ALI SAIFUDDIEN SA'ADUL KHAIRI WADDIEN,
SULTAN DAN YANG DI-PERTUAN NEGARA BRUNEI DARUSSALAM**

Sempena Menyambut Awal Bulan Ramadhan bagi Tahun 1445H / 2024M





SIDANG EDITORIAL CANANG

Penasihat:

Yang Mulia Pengiran Haji Mohd Hasnan bin Pengiran Haji Ali Hassan
Setiausaha Tetap (Kebudayaan)

Pengerusi:

Yang Mulia Awang Mohamad Iskandar bin Haji Idris
Pemangku Pengarah Pentadbiran dan Kewangan

Pengarang/Sumber Berita:

Kementerian Kebudayaan, Belia dan Sukan
Dewan Bahasa dan Pustaka
Jabatan Muzium-Muzium
Pusat Sejarah Brunei
Jabatan Belia dan Sukan
Jabatan Pembangunan Masyarakat
Jabatan Penerangan

Susun Atur dan Penyelaras

Unit Perhubungan Awam
Kementerian Kebudayaan, Belia dan Sukan

Penyunting

Yang Mulia Dayang Hurul'Ain Nukhbah binti Rabaha
Pegawai Bahasa, Dewan Bahasa dan Pustaka

Pruf dan Penyemakan:

Yang Mulia Awang Suip bin Haji Abd bin Haji Abd Wahab
Pemangku Pengarah Dewan Bahasa dan Pustaka

Fotografi:

Kementerian Kebudayaan, Belia dan Sukan
Dewan Bahasa dan Pustaka
Jabatan Muzium-Muzium
Pusat Sejarah Brunei
Jabatan Belia dan Sukan
Jabatan Pembangunan Masyarakat

Terima Kasih atas Ihsan foto kepada:

Jabatan Penerangan

MAJLIS PERHIMPUNAN MALAM MUNAJAT SENEGARA

BANDAR SERI BEGAWAN, Sabtu, 22 Syaaban 1445 / 2 Mac 2024 - Majlis Perhimpunan Malam Munajat Senegara Sempena Sambutan Ulang Tahun Hari Kebangsaan Negara Brunei Darussalam Ke-40 Tahun pada kali ini dianjurkan oleh Kementerian Hal Ehwal Ugama bagi Kali Ke-127 dengan kerjasama Kementerian Kebudayaan, Belia dan Sukan.

Majlis Munajat malam tadi adalah secara fizikal dengan tumpuan utama di Masjid Duli Raja Isteri Pengiran Anak Damit, Mukim Kilanas yang dihadiri oleh Yang Berhormat Menteri-Menteri Kabinet; Yang Mulia Timbalan-Timbalan Menteri; Yang Mulia Ahli-Ahli Majlis Ugama Islam Brunei; Yang Mulia Pemerintah Angkatan Bersenjata Diraja Brunei; Yang Mulia Pesuruhjaya Polis, Pasukan Polis Diraja Brunei; Yang Mulia Setiausaha-Setiausaha Tetap, Timbalan-Timbalan Setiausaha Tetap; ketua-ketua jabatan, pegawai-pegawai kanan dan warga kementerian-kementerian; serta ahli Jawatankuasa Takmir dan para jemaah yang hadir secara fizikal mahupun secara maya dari 68 buah masjid termasuk surau dan balai ibadah di seluruh negara dan juga dari rumah-rumah persendirian.



MAJLIS PERHIMPUNAN MALAM MUNAJAT SENEGARA SEMPENA SAMBUTAN ULANG TAHUN HARI KEBANGSAAN NEGARA BRUNEI DARUSSALAM KE-40 TAHUN ANJURAN KHEU BERSAMA KKBS
Sabtu, 2 Mac 2024 di Masjid Duli Isteri Pengiran Anak Damit, Mukim Kilanas



www.kkbs.gov.bn [kkbs_brunel](https://www.instagram.com/kkbs_brunel) [Kementerian Kebudayaan, Belia dan Sukan](https://www.facebook.com/KementerianKebudayaanBeliaDanSukan)




www.kkbs.gov.bn [kkbs_brunel](https://www.instagram.com/kkbs_brunel) [Kementerian Kebudayaan, Belia dan Sukan](https://www.facebook.com/KementerianKebudayaanBeliaDanSukan)



www.kkbs.gov.bn [kkbs_brunel](https://www.instagram.com/kkbs_brunel) [Kementerian Kebudayaan, Belia dan Sukan](https://www.facebook.com/KementerianKebudayaanBeliaDanSukan)

MAJLIS KHATAM AL-QURAN PKBN PENGAMBILAN KE-12



DAERAH TEMBURONG, Ahad, 23 Syaaban 1445 / 3 Mac 2024 - Kementerian Kebudayaan, Belia dan Sukan melalui Bahagian Khidmat Bakti Negara [BKBN] telah mengadakan Majlis Khatam Al-Quran khusus bagi para Pelatih Program Khidmat Bakti Negara (PKBN) Pengambilan Ke-12 bagi sesi tahun 1445H / 2024M yang dilangsungkan di Dewan Kuliah, Kem Latihan Program Khidmat Bakti Negara (PKBN), Kampong Batu Apoi, Daerah Temburong. Seramai 457 orang Pelatih (309 orang lelaki / 148 orang perempuan) Program Khidmat Bakti Negara (PKBN) Pengambilan Ke-12 yang ikut serta majlis ini tidak termasuk 12 orang Pelatih (5 orang Lelaki dan 7 orang Perempuan) yang bukan beragama Islam. Hadir sebagai Tetamu Kehormat Majlis adalah Yang Berhormat Dato Seri Setia Haji Awang Nazmi bin Haji Awang Mohamad, Menteri Kebudayaan, Belia dan Sukan.

Majlis seterusnya diikuti dengan Sesi Penyampaian Sijil-Sijil Khatam kepada para Pelatih Program Khidmat Bakti Negara (PKBN) Pengambilan Ke-12 yang disampaikan oleh Tetamu Kehormat Majlis bagi Pelatih Lelaki dan Setiausaha Tetap (Kemasyarakatan) bagi Pelatih Perempuan. Majlis diakhiri dengan Sesi Bergambar Ramai Pelatih-Pelatih Program Khidmat Bakti Negara (PKBN) Pengambilan Ke-12 bersama Tetamu Kehormat Majlis.

MAJLIS PENYERAHAN DERMA TABUNG KEMANUSIAAN RAKYAT PALESTIN DI GAZA 2023



BERAKAS, Selasa, 24 Syaaban 1445 / 5 Mac 2024 - Kementerian Kebudayaan, Belia dan Sukan telah menerima sumbangan derma bagi Tabung Kemanusiaan Rakyat Palestin di Gaza 2023 berjumlah BND9,627.00 daripada dua buah agensi iaitu Hospital Raja Isteri Pengiran Anak Saleha (RIPAS) menyumbangkan sejumlah BND8,027.00 dan Dynamik Technologies menyumbangkan sejumlah BND1,600.00.

Hadir menerima sumbangan tersebut ialah Yang Mulia Dayang Fauziah binti Haji Mohd. Salleh, Pemangku Pengarah Pembangunan Masyarakat.



MAJLIS PENYERAHAN BUKU SUMBANGAN DARIPADA SURUHANJAYA TINGGI REPUBLIC RAKYAT BANGLADESH KE NEGARA BRUNEI DARUSSALAM DAN PERASMIAN SUDUT BACAAN BANGLADESH



MUARA, Isnin, 23 Syaaban 1445 / 4 Mac 2024 - Majlis Penyerahan Buku Sumbangan daripada Suruhanjaya Tinggi Republik Rakyat Bangladesh ke Negara Brunei Darussalam dan Perasmian Sudut Bacaan Bangladesh telah berlangsung di Perpustakaan Dewan Bahasa dan Pustaka Muara. Majlis disempurnakan oleh Yang Mulia Dr. Siti Norkhalbi binti Haji Wahsalfelah, Timbalan Setiausaha Tetap (Kebudayaan), Kementerian Kebudayaan, Belia dan Sukan selaku Tetamu Khas Majlis.



MAJLIS PELANCARAN SMS BRUNEI PRIHATIN UNTUK TABUNG ANAK-ANAK YATIM BAGI TAHUN 1445H / 2024M



BERAKAS, Selasa, 24 Syaaban 1445 / 5 Mac 2024 - Jabatan Pembangunan Masyarakat (JAPEM), Kementerian Kebudayaan, Belia dan Sukan dengan kerjasama Jabatan Radio Televisyen Brunei (RTB), Datastream Digital Sendirian Berhad (DST), Progresif Sendirian Berhad dan Imagine Sendirian Berhad telah melancarkan SMS Brunei Prihatin untuk Tabung Anak-Anak Yatim 1445/2024 di Dewan Digadong, Kementerian Kebudayaan, Belia dan Sukan.

Majlis pelancaran itu disempurnakan oleh Yang Berhormat Dato Seri Setia Haji Awang Nazmi bin Haji Awang Mohamad, Menteri Kebudayaan, Belia dan Sukan.

Majlis juga diselenggarakan dengan penyerahan derma hasil kutipan SMS Brunei Prihatin yang dikumpulkan pada tahun 1444/2023 daripada syarikat-syarikat telekomunikasi berjumlah BND95,946.00



MAJLIS PENYERAHAN BANTUAN KEWANGAN KERAJAAN KEPADA MANGSA BENCANA



BERAKAS, Rabu, 25 Syaaban 1445 / 6 Mac 2024 - Seramai 5 orang ketua keluarga yang terlibat dalam kejadian banjir, kebakaran dan rumah tidak selamat didiami telah menerima bantuan kewangan Kerajaan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam melalui Jabatan Pembangunan Masyarakat, Kementerian Kebudayaan, Belia dan Sukan. Majlis berlangsung di Bangunan Kementerian Kebudayaan, Belia dan Sukan.

Hadir bagi menyampaikan bantuan kewangan kepada mangsa-mangsa bencana ialah Yang Mulia Dayang Fauziah binti Haji Mohd Salleh, Pemangku Pengarah, Jabatan Pembangunan Masyarakat, Kementerian Kebudayaan, Belia dan Sukan.



**MAJLIS PENYAMPAIAN KURMA KURNIA PERIBADI KDYMM PADUKA
SERI BAGINDA SULTAN HAJI HASSANAL BOLKIAH MU'IZZADDIN
WADDAULAH SULTAN DAN YANG DI-PERTUAN NEGARA BRUNEI
DARUSSALAM SEMPENA BULAN RAMADHAN 1445H/2024M
KEPADA PEGAWAI DAN KAKITANGAN KKBS**



BERAKAS, Khamis, 26 Syaaban 1445 / 7 Mac 2024 - Majlis Penyampaian Kurma Kurnia Peribadi Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Sultan dan Yang Di-Pertuan Negara Brunei Darussalam Sempena Bulan Ramadhan 1445/2024 kepada pegawai dan kakitangan Kementerian Kebudayaan, Belia dan Sukan dan Jabatan-Jabatan di bawahnya telah diadakan di Dewan Citra Budaya, Kementerian Kebudayaan, Belia dan Sukan.

Hadir bagi menyempurnakan majlis, Yang Mulia Pengiran Haji Mohd Hasnan bin Pengiran Haji Ali Hassan, Setiausaha Tetap (Kebudayaan), Kementerian Kebudayaan, Belia dan Sukan selaku tetamu kehormat majlis.

Turut hadir Timbalan Setiausaha Tetap, ketua-Ketua Jabatan, Ketua-Ketua Bahagian serta pegawai dan kakitangan Kementerian Kebudayaan, Belia dan Sukan.



MAJLIS PENANDATANGAN DOKUMEN KERAHSIAAN OLEH AHLI-AHLI BDADC BAGI LANTIKAN 2024-2026



BANDAR SERI BEGAWAN, Khamis, 26 Syaaban 1445 / 7 Mac 2024 –Jawatankuasa Anti-Doping Brunei Darussalam (BDADC) telah mengadakan Majlis Penandatanganan Dokumen Kerahsiaan oleh Ahli-Ahli BDADC bagi Lantikan 2024-2026 yang berlangsung di Bilik Persidangan, Stadium Negara Hassanal Bolkiah, Berakas.

Hadir di majlis tersebut ialah Yang Mulia Pengiran Mohd Amirrizal bin Pengiran Haji Mahmud, Setiausaha Tetap (Kesukanan), Kementerian Kebudayaan, Belia dan Sukan yang juga selaku Pengerusi BDADC.

Ahli-Ahli BDADC bagi Lantikan 2024 -2026 adalah terdiri daripada pegawai-pegawai daripada Kementerian Kebudayaan, Belia dan Sukan, Kementerian Pendidikan, Kementerian Kesihatan, Pejabat Peguam Negara, Biro Kawalan Narkotik serta beberapa agensi swasta yang berkenaan.

UPACARA PERBARISAN TAMAT LATIHAN PKBN PENGAMBILAN KE-12



BATU APOI, TEMBURONG, Sabtu, 28 Syaaban 1445 / 9 Mac 2024 - Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien Sultan Yang Di-Pertuan Negara Brunei Darussalam telah berkenan berangkat ke Upacara Perbarisan Tamat Latihan Program Khidmat Bakti Negara Pengambilan Ke-12 di Kem Latihan Program Khidmat Bakti Negara, Batu Apoi, Daerah Temburong.

Seterusnya Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam telah berkenan untuk memeriksa Perbarisan Tamat Latihan Program Khidmat Bakti Negara Pengambilan Ke-12 yang terdiri daripada seramai 469 orang Pelatih (314 orang lelaki dan 155 orang perempuan).

Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien Sultan Yang Di-Pertuan Negara Brunei Darussalam selanjutnya telah berkenan untuk menerima tabik hormat daripada perbarisan yang berjalan lalu dalam masa perlahan dan cepat. Seterusnya, Baginda berkenan mengurniakan titah dan berkenan mengurniakan Anugerah kepada enam pelatih terbaik Program Khidmat Bakti Negara Pengambilan Ke-12 iaitu:

- **PELATIH LELAKI TERBAIK KAWAD** : 14090 Pelatih Muhammad Sufi Muazzam bin Saiful Nidzam / Platun 11.
- **PELATIH PEREMPUAN TERBAIK KAWAD** : 13887 Pelatih Siti Nurbahriah binti Muhammad Norman Shah / Platun 4.
- **PELATIH LELAKI TERBAIK JASMANI** : 14176 Pelatih Taufiq Nurhidayat bin Timbul / Platun 3.
- **PELATIH PEREMPUAN TERBAIK JASMANI** : 13928 Pelatih Nur Farhana Syaherra binti Mohammad Faizal / Platun 4.
- **PELATIH LELAKI TERBAIK KESELURUHAN** : 14293 Pelatih Muhammad Zulhelmi Hashim bin Jainudin / Platun 1.
- **PELATIH PEREMPUAN TERBAIK KESELURUHAN** : 13965 Pelatih Nur Lily Izzati binti Abdul Hamid / Platun 7.



RIADAH BERBASIKAL SEMANGAT HARI KEBANGSAAN 2024

BANDAR SERI BEGAWAN, Ahad, 29 Syaaban 1445 / 10 Mac 2024

– Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam berkenan berangkat menyertai acara Riadah Berbasikal Semangat Hari Kebangsaan yang bermula dan berakhir di Taman Haji Sir Muda Omar 'Ali Saifuddien.



Turut berangkat ialah Duli Yang Teramat Mulia Paduka Seri Pengiran Muda 'Abdul Malik ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan

Yang Di-Pertuan Negara Brunei Darussalam, Duli Yang Teramat Mulia Paduka Seri Pengiran Muda 'Abdul Mateen ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam dan Duli Yang Teramat Mulia Paduka

Seri Pengiran Perdana Wazir Sahibul Himmah Wal-Waqar Pengiran Muda Mohamed Bolkiah ibni Al-Marhum Sultan Haji Omar 'Ali Saifuddien Sa'adul Khairi Waddien.

Kebawah Duli Yang Maha Mulia seterusnya mendahului riadah berbasikal mengelilingi Bandar Seri Begawan sejauh 8 kilometer dan melintasi jalan-jalan utama antaranya Jalan Pretty, Jalan Elizabeth 2, Jalan Stoney, Jalan Haji Basir, Jalan Kumbang Pasang, Jalan Perdana Menteri, Jalan RIPAS, Jalan SOAS dan berakhir di Taman Haji Sir Muda Omar 'Ali Saifuddien.





www.kkbs.gov.bn [kkbs_brunei](https://www.instagram.com/kkbs_brunei) [Kementerian Kebudayaan, Belia dan Sukan](https://www.facebook.com/KementerianKebudayaanBeliaDanSukan)



www.kkbs.gov.bn [kkbs_brunei](https://www.instagram.com/kkbs_brunei) [Kementerian Kebudayaan, Belia dan Sukan](https://www.facebook.com/KementerianKebudayaanBeliaDanSukan)



www.kkbs.gov.bn [kkbs_brunei](https://www.instagram.com/kkbs_brunei) [Kementerian Kebudayaan, Belia dan Sukan](https://www.facebook.com/KementerianKebudayaanBeliaDanSukan)



www.kkbs.gov.bn [kkbs_brunei](https://www.instagram.com/kkbs_brunei) [Kementerian Kebudayaan, Belia dan Sukan](https://www.facebook.com/KementerianKebudayaanBeliaDanSukan)

PENYAMPAIAN DERMA ANAK-ANAK YATIM PERINGKAT KEBANGSAAN BAGI TAHUN 1445H / 2024M



MALIS PENYAMPAIAN DERMA ANAK-ANAK YATIM PERINGKAT KEBANGSAAN BAGI TAHUN 1445H/2024M



www.kkbs.gov.bn | kkbs_borneo | Kementerian Kebudayaan, Belia dan Sukan



www.kkbs.gov.bn | kkbs_borneo | Kementerian Kebudayaan, Belia dan Sukan



www.kkbs.gov.bn | kkbs_borneo | Kementerian Kebudayaan, Belia dan Sukan



www.kkbs.gov.bn | kkbs_borneo | Kementerian Kebudayaan, Belia dan Sukan



www.kkbs.gov.bn | kkbs_borneo | Kementerian Kebudayaan, Belia dan Sukan



www.kkbs.gov.bn | kkbs_borneo | Kementerian Kebudayaan, Belia dan Sukan



www.kkbs.gov.bn | kkbs_borneo | Kementerian Kebudayaan, Belia dan Sukan

BANDAR SERI BEGAWAN, Isnin, 6 Ramadan 1445 / 18 Mac 2024 – Kementerian Kebudayaan, Belia dan Sukan (KKBS) melalui Jabatan Pembangunan Masyarakat (JAPEM) dengan kerjasama Jabatan Daerah Brunei dan Muara, Kementerian Hal Ehwal Dalam Negeri (KHEDN) dan Bank Islam Brunei Darussalam (BIBD) telah mengadakan Majlis Penyampaian Derma kepada Anak-Anak Yatim Peringkat Kebangsaan di Dewan Plenari, Pusat Persidangan Antarabangsa, Berakas.

Derma yang dihulurkan merupakan sumbangan melalui gabungan Tabung Anak-Anak Yatim JAPEM, Tabung Dana Anak Yatim Daerah Brunei Muara dan sumbangan BIBD pada tahun ini. Jumlah sumbangan yang dihulurkan melalui **Tabung Anak-Anak Yatim JAPEM** adalah sebanyak **BND358,100.00**. Manakala, **Tabung Anak Yatim Daerah Brunei Muara** menyumbangkan sejumlah **BND34,935.00** dan sumbangan **BIBD** berjumlah **BND179,050.00**.

Hadir selaku tetamu kehormat bersama bagi menyampaikan derma ialah Yang Berhormat Dato Seri Setia Dr Awang Haji Mohd Amin Liew bin Abdullah, Menteri di Jabatan Perdana Menteri dan Menteri Kewangan dan Ekonomi II selaku Pengerusi Lembaga Pengarah Bank Islam Brunei Darussalam, Yang Berhormat Dato Seri Setia Awang Haji Ahmaddin bin Haji Abdul Rahman, Menteri Hal Ehwal Dalam Negeri dan Yang Berhormat Dato Seri Setia Haji Awang Nazmi bin Haji Awang Mohamad, Menteri Kebudayaan, Belia dan Sukan.

TEKS MUKADIMAH MENTERI KEBUDAYAAN, BELIA DAN SUKAN



MESYUARAT PERTAMA DARI MUSIM PERMESYUARATAN KEDUA PULUH MAJLIS MESYUARAT NEGARA TAHUN 2024, Isnin, 7 Ramadhan 1445 / 18 Mac 2024

Bismillahir Rahmanir Rahim.

Alhamdulillah Rabbil 'Alamin Wassalatu Wassalamu 'Ala-Asyrafil Anbiyaie Wal-Mursalin Sayyidina Muhammadin Wa'ala Alihi Wasahbihi Ajma'in.

Assalamu'alaikum Warahmatullahi Wabarakatuh dan Salam Sejahtera,

Terima kasih Yang Berhormat Pehin Pengerusi atas ruang yang diberikan kepada abis kaola untuk menyampaikan mukadimah bagi pihak Kementerian Kebudayaan, Belia dan Sukan. Abis kaola amat bersyukur tema Tahun Kewangan 2024/2025 iaitu **'Bersatu Membina Masa Depan Yang Lebih Makmur'** adalah amat bertepatan dengan usaha berterusan KKBS dengan kerjasama senegara dalam mencapai matlamat Bangsa Brunei Cemerlang ke arah Wawasan Brunei 2035.

Abis kaola, mewakili Kementerian Kebudayaan, Belia dan Sukan dengan penuh hormat dan takzim menyembahkan setinggi-tinggi menjunjung kasih kehadapan Majlis Kebawah Duli Yang Maha Mulia Paduka Seri Baginda Sultan dan Yang DiPertuan Negara Brunei Darussalam bagi penyediaan **anggaran perbelanjaan Tahun Kewangan 2024/2025 berjumlah Lapan Puluh Lima Juta, Dua Ratus Tujuh Puluh Enam Ribu, Enam Ratus Tiga Puluh Ringgit (BND 85,276,630.00).**



Pada musim permesyuaratan Majlis Mesyuarat Negara ke-19, Kementerian ini telah menggariskan beberapa strategi dan tindakan seperti yang digariskan dalam Pelan Strategik Kementerian Kebudayaan, Belia dan Sukan 2020-2024. Secara keseluruhannya, sejak tahun 2020 sehingga 2023, **41% iaitu 34 dari 83 inisiatif** telah selesai dilaksanakan manakala selebihnya sedang dalam pelaksanaan untuk diselesaikan pada tahun kewangan 2024/2025. Sungguhpun demikian, **Alhamdulillah**,

kajian semula separuh penggal atau *Mid Term Review* pelaksanaan Pelan Strategik 2020-2024 telah membantu pihak pengurusan untuk mengemaskini perancangan, pelaksanaan dan pengurusan dengan segera supaya dapat menghasilkan impak yang dijangkakan serta mengambil kira perubahan semasa dan cabaran yang mendatang di samping ketersediaan sumber yang sedia ada.

Antara kemajuan utama dan hasil yang dilihat sejak 4 tahun kebelakangan, dan yang akan terus dicapai adalah:

- 1) Pertama, di bawah bidang Kemasyarakatan;
 - a) Lebih 40% golongan sasaran iaitu 862 orang daripada 1,965 orang yang berdaftar di bawah Jobcentre Brunei telah mendapat **pekerjaan** dalam mana 39% daripadanya iaitu 337 orang daripada 862 orang adalah penerima bantuan kewangan daripada Jabatan Pembangunan Masyarakat, Jabatan Urusan Zakat, Wakaf dan Baitulmal, dan Yayasan Sultan Haji Hassanal Bolkiah.
 - b) Selain itu, lebih 160 golongan sasaran di bawah Jabatan Pembangunan Masyarakat bergiat aktif dalam pelbagai aktiviti **keusahawanan**;
 - c) Dalam meningkatkan **kemahiran**, lebih 209 penerima bantuan juga telah mengikuti pelbagai program latihan dan pembangunan kapasiti yang dijalankan bersama rakan strategik seperti DARE dan Pusat Pembangunan Belia.
 - d) Dari segi **bantuan penempatan rumah sementara**, 77 keluarga yang telah dilanda kesusahan atau bencana juga telah diberikan penempatan sementara.





e) Dari segi meningkatkan lagi pemedulian kepada golongan **Orang Kelainan Upaya (OKU)**, semenjak penguatkuasaan Akta Pencen Umur Tua dan Elaun Kurang Upaya yang baharu pada tahun 2021, jumlah penerima double benefit iaitu penerima **Pencen Umur Tua dan Elaun Kurang Upaya** berjumlah \$500 setiap bulan, meningkat dari 152 penerima kepada 728 penerima;

f) Manakala, sokongan untuk **Orang Kelainan Upaya** juga telah meningkat. Daripada 5,900 orang penerima elaun kurang upaya, seramai lebih 1,200 orang kelainan upaya juga ada menerima Elaun Penyedia Penjagaan (Care Providers Allowance) yang setentunya dapat meningkatkan kualiti penjagaan;

Kesemua strategi dan program-program yang dilaksanakan adalah di bawah mandat Majlis Kebangsaan Isu Sosial (MKIS) ke arah meningkatkan kesejahteraan dan kualiti kehidupan golongan yang memerlukan, dan setentunya akan mendokong ke arah pencapaian visi Masyarakat Progresif;

2) Kedua, di bawah bidang Kebelaaan;



- a) Purata 13% peningkatan dapat dilihat berkaitan **penglibatan belia** setiap tahun dengan purata lebih 50,000 telah belia terlibat dalam pelbagai program pembangunan kapasiti;
- b) Purata 4% peningkatan **inisiatif atau aktiviti yang diterajui oleh belia** pada setiap tahun;
- c) Purata 30% peningkatan **usahawan belia** dengan bisnes permulaan (business startups) yang menjana hasil pendapatan melebihi \$930 Ribu secara menyeluruh;
- d) 13 orang petani dan peladang daripada kalangan belia di bawah Program Pertanian dan Perladangan telah mengusahakan 55 hektar tanah dan menjana 208.28 tan pengeluaran padi bernilai lebih \$550 Ribu;
- e) Kementerian Kebudayaan, Belia dan Sukan menyediakan lebih banyak platform bagi melibatkan belia dalam merangka dasar dan membuat keputusan bagi isu-isu yang merangkumi alam sekitar, kesejahteraan mental, pekerjaan, keusahawanan, latihan kemahiran dan kebolehlihatan imej belia di peringkat serantau dan antarabangsa;
- f) Kesemua strategi dan program-program yang dilaksanakan ini adalah sejajar dengan Pelan Tindakan Dasar Belia Negara dan Strategi (DBNS) 2020-2024 dan ia adalah dalam landasan yang betul serta menjurus kepada mencapai sasaran mata purata 75% Indeks Pembangunan Belia pada tahun 2025 dan pencapaian visi Belia Siaga Masa Depan;





3) Seterusnya, di bawah bidang Kesukanan;

a) Dilihat terdapat 22% peningkatan **pengupayaan atlet kebangsaan** dengan purata lebih 800 (**Jumlah sebenar: 884**) orang atlet dalam pelbagai program pembangunan kapasiti termasuk penyertaan dalam pertandingan atau kejohanan sukan prestasi tinggi di peringkat serantau dan antarabangsa setiap tahun;

- b) 13 orang atlet elit telah meraih 18 pingat secara keseluruhan (**5 Emas; 5 Perak; 8 Gangsa**);
- c) Bertanding di tiga acara kejohanan berkontinjen yang berprestij;
- d) Direkodkan purata melebihi 52 ribu (**Jumlah sebenar : 52,817**) peserta mengikuti acara-acara **sukan untuk masyarakat** iaitu merangkumi 232 program dengan 69% peningkatan inisiatif **kesukanan yang diterajui oleh masyarakat** termasuk dari agensi swasta seperti *sports event management* dan persatuan sukan kebangsaan. Ini mencerminkan usaha senegara ke arah meningkatkan dan mendokong **status kesejahteraan dan kesihatan masyarakat** melalui sukan.
- e) Kesemua strategi dan program-program yang dilaksanakan di bawah perancangan pembangunan kapasiti bagi atlet, jurulatih dan persatuan-persatuan sukan kebangsaan adalah dalam landasan yang betul serta menjurus kepada pencapaian visi Negara Sukan Yang Gemilang;

4) Manakala, di bawah bidang Kebudayaan;

- a) Dilihat secara kumulatif, adanya peningkatan kegiatan **pembangunan keupayaan** sebanyak enam (6) kali ganda yang melibatkan lebih 156 ribu (**Jumlah sebenar : 156,505**) orang peserta dalam pelbagai Program Pembangunan Keupayaan Masyarakat sejak tahun 2020;
- b) Ke arah menyumbang kepada peningkatan pengetahuan masyarakat dan ilmiah di bawah Program Perkembangan Penyelidikan, terdapat peningkatan dalam **penyelidikan, penerbitan dan pendokumentasian** iaitu sebanyak 63% daripada Dewan Bahasa dan Pustaka (**Jumlah sebenar: 5,656**); sebanyak 23% daripada Pusat Sejarah Brunei (**Jumlah sebenar: 2,055**) dan 14% daripada



c) **Fasiliti dan kemudahan** seperti muzium, galeri dan perpustakaan, juga kekal relevan dan menjadi asas utama dalam ketamadunan dan pembangunan masyarakat:



I. Ini jelas dilihat dengan purata 14% peningkatan pelawat dalam dan luar negeri dengan purata hampir 160 ribu (**Jumlah sebenar : 159,666**) pelawat setiap tahun.

II. Setelah pasca COVID-19, lebih 290 ribu (**Jumlah sebenar : 290,686**) pengunjung ke Muzium-Muzium dan Galeri yang menunjukkan ia bukan sahaja sebagai tempat tarikan pelancong malah peningkatan berkaitan kesedaran dan minat terhadap warisan budaya Brunei dalam kalangan rakyat dan penduduk di negara ini termasuk generasi muda.

III. Manakala lebih 400 ribu (**Jumlah sebenar : 413,117**) **pengunjung ke perpustakaan Dewan Bahasa dan Pustaka** jelas membuktikan strategi penjenamaan semula perpustakaan telah mencapai objektif dalam menjadikan perpustakaan sebagai pusat komuniti dan ini bermakna, kewujudan perpustakaan masih kekal relevan pada era info komunikasi ini, di samping memupuk budaya membaca dalam masyarakat Brunei;

d) Dari aspek meningkatkan imej dan perkembangan warisan, budaya dan sejarah, keberhasilan usaha dari aspek ini dapat dilihat melalui:

I. Pencapaian Pusat Sejarah Brunei sebagai Pusat Kecemerlangan Sejarah dan Kesultanan Brunei;

II. Pencalonan pakaian kebaya sebagai Warisan Budaya Tak Ketara UNESCO secara bersama iaitu Brunei Darussalam, Republik Singapura, Malaysia, Republik Indonesia dan Thailand; dan

III. Negara Brunei Darussalam adalah negara anggota ASEAN pertama yang mempunyai arca ASEAN yang lengkap mempamerkan arca daripada kesemua sepuluh anggota ASEAN dengan Taman Arca yang dinamakan semula sebagai Laluan ASEAN (*ASEAN Walk*) terletak di Taman Rekreasi Sungai Damuan;

e) Dalam memupuk semangat budaya perpaduan, patriotisme, jati diri dan MIB; kita melihat impak dari penyertaan acara kemuncak Hari Kebangsaan dengan jumlah kumulatif lebih 41 ribu (Jumlah sebenar : 41,518) penyertaan. Kesemua strategi dan program-program yang dilaksanakan di bawah perancangan meningkatkan pelestarian warisan, budaya dan sejarah adalah dalam landasan yang betul serta menjurus kepada pencapaian visi Budaya Dinamik dan Warisan Terpelihara.



Dalam kesempatan ini, izinkan Kaola merakamkan ucapan setinggi-tinggi penghargaan dan terima kasih kepada semua lapisan rakyat dan penduduk yang terlibat dalam menjayakan Upacara Perhimpunan Agung Sambutan Ulang Tahun Hari Kebangsaan Negara Brunei Darussalam yang ke-40 baru-baru ini termasuk para jemputan, para peserta Hari Kebangsaan, Ahli-Ahli Jawatankuasa dan rakan-

rakan strategik. Penghargaan khusus juga dirakamkan kepada semua kerana telah meninggalkan tempat sambutan dalam keadaan yang bersih, kemas dan teratur. Alhamdulillah, semoga pendekatan senegara ini akan menjadi budaya kitani orang Brunei yang akan diwarisi oleh generasi muda, generasi penerus dan generasi akan datang.

Yang Berhormat Pehin Pengerusi dan Ahli-Ahli Yang Berhormat,

Menjunjung titah Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam sempena Majlis Pembukaan Rasmi Persidangan Musim Permesyuaratan ke-20 Majlis Mesyuarat Negara 2024 iaitu:

- 1) Usaha mempelbagaikan ekonomi dengan memberikan tumpuan kepada industri-industri strategik perlu diteruskan dan dipertingkatkan; dan
- 2) Menggunakan peruntukan yang disediakan dengan lebih berhemah untuk meningkatkan kualiti perkhidmatan bagi penduduk.

Maka berlandaskan kepada hala tuju ini, izinkan kaola menghuraikan **5 fokus strategi sebagai pelengkap kepada usaha-usaha Kementerian Kebudayaan, Belia dan Sukan dalam meneruskan pelaksanaan pelan strategik Kementerian bagi Tahun Kewangan 2024/2025 yang berteraskan kepada usaha Pengupayaan, Pemerkaasaan dan Penglibatan (3P)** melalui:

- **STRATEGI PERTAMA:** Dalam bidang Kemasyarakatan, abis kaola terus mengembangmaju Masyarakat Cemerlang, Bersatu Padu, Resilien dan Pemedulian; yang memfokus kepada membasmi kemiskinan dan meningkatkan mandiri serta sosio-ekonomi golongan-golongan sasaran.

- Sejumlah **\$23.6 Juta** diperuntukkan bagi program mengembangmajukan Masyarakat Progresif termasuk penambahbaikan prasarana dan kemudahan yang merangkumi **\$12.9 Juta** bagi Bantuan, Geran, Pemindahan dan Subsidi.
- Di samping mempertingkatkan penyediaan keperluan asas dan kemudahan sosial yang lain, Kementerian ini akan terus memberikan penekanan kepada **Meningkatkan Lagi Penyelarasan Program-program Intervensi yang Disasarkan Merentas Sektor**, seperti:
 - a. **Pertama, Program Inovasi Belia Berwawasan (PIBB)** yang dilaksanakan oleh Jabatan Pembangunan Masyarakat (JAPEM) yang dikhususkan kepada anak-anak penerima bantuan dan mengandungi module kemasukan sebagai Pelatih PKBN dalam usaha untuk meningkatkan kepimpinan, jati diri dan resiliensi;
 - b. **Kedua, Meningkatkan lagi penglibatan Sukarelawan Belia (SB)** dalam program-program kemasyarakatan; dan
 - c. **Ketiga, Mengembangluaskan program pembangunan kapasiti dan kemahiran bagi golongan Orang Kelainan Upaya** melalui pelbagai kaedah seperti sheltered workshops dan penempatan kerja.
- Khusus bagi sektor kemasyarakatan, Insya Allah tahun ini, Kementerian ini akan melaksanakan beberapa inisiatif yang signifikan seperti:
 - a. **Pertama, Pelan Tindakan Wanita** hasil dari Penyelidikan Mengenai Pembangunan Wanita di Negara Brunei Darussalam dalam mana Pelan Tindakan ini akan disediakan oleh Jawatankuasa Kerja Institusi Keluarga, Wanita dan Kanak-Kanak dan seterusnya dihadapkan kepada Majlis Kebangsaan Isu Sosial untuk diluluskan.
 - b. **Kedua, Kajian semula garispendu Bantuan Kebajikan Bulanan (BKB)** bagi memastikan tiada ketirisan kepada penerima bantuan;
 - c. **Ketiga, Pelan Tindakan Keluarga** yang baharu ke arah memperkukuhkan institusi keluarga;
 - d. **Keempat, Pelan Tindakan Warga Emas** ke arah penuaan berjaya (successful aging); dan
 - e. **Kelima, Pelancaran Social Blueprint** hasil usahasama Jabatan Perdana Menteri dan Kementerian ini.





- **STRATEGI KEDUA:** Dalam bidang Kebeliean, abis kaola terus Menjana Belia Harapan Yang Berwawasan Sebagai Peneraju Pembangunan Negara; yang memfokus kepada mempertingkatkan dua bidang iaitu Pembentukan Jati Diri dan Modal Insan dalam kalangan Belia.

- Untuk itu, sejumlah **\$11.2** Juta diperuntukkan bagi program Melahirkan

Belia Harapan yang Berwawasan termasuk penambahbaikan prasarana dan kemudahan yang merangkumi **\$3 Juta** bagi Program Pembangunan dan Keusahawanan Belia; **\$2.1 Juta** bagi Program Pengukuhan Jati Diri dan Menjana Modal Insan; dan **\$5 Juta** bagi Program Pengupayaan Belia.

- Bagi meningkatkan lagi usaha ini, Kementerian akan memberikan penekanan kepada **Menangani Impak Segera dan Pemacu Jati Diri serta Modal Insan dalam Kalangan Belia** yang akan meneliti 3 objektif utama iaitu;
 - a. **Pertama, Kajian semula metodologi dan pendekatan program-program intervensi yang lebih berinovasi dan jangka panjang seperti Program Pembangunan Belia, Program Khidmat Bakti Negara dan Program OBBD;**
 - b. **Kedua, Kajian semula metodologi dan pendekatan usaha meningkatkan produktiviti dan ekonomi belia yang diperkasakan.** Inisiatif yang akan diterajui oleh Youth Entrepreneurship Steering Committee (YESC) adalah:
 - **Menerokai pasaran luaran** melalui hubungan kerjasama mengembang maju produk atau perkhidmatan perniagaan di peringkat serantau dan antarabangsa; dan
 - Meneliti dan mewujudkan dasar yang mendukung pembangunan perusahaan sosial menggunakan pendekatan senegara (whole-of-nation) termasuk mewujudkan ekosistem perusahaan sosial yang efektif dan kondusif.
 - c. **Ketiga, Kajian semula program-program intervensi yang disasarkan dapat memacu pembentukan jati diri dengan lebih terarah, selaras dan sejajar.** Program-program ini akan berasaskan aspek perpaduan, MIB dan pemartabatan budaya, warisan dan sejarah.

- c. **Ketiga, Kajian semula program-program intervensi yang disasarkan dapat memacu pembentukan jati diri dengan lebih terarah, selaras dan sejajar.** Program-program ini akan berasaskan aspek perpaduan, MIB dan pemartabatan budaya, warisan dan sejarah.



- **STRATEGI KETIGA:** Dalam bidang Kesukanan; abis kaola terus memantapkan Pengukuhan Ekosistem Sukan Supaya Lebih Inklusif dan Cemerlang; yang memfokus kepada sukan prestasi tinggi dan sukan untuk masyarakat.

- Sejumlah **\$16.7 Juta** diperuntukan bagi program Mengukuhkan lagi

Ekosistem Sukan yang merangkumi **\$7.8 Juta** bagi Pemeliharaan Prasarana dan Aset; **\$2.1 Juta** bagi Memantapkan Sukan Prestasi Tinggi iaitu; **\$700 Ribu** bagi Pembangunan Persatuan-persatuan Sukan; dan **\$1.8 Juta** bagi Pembangunan Keupayaan Atlet dan Jurulatih secara keseluruhan.

- Bagi meningkatkan lagi usaha ini, Kementerian akan memberikan penekanan kepada **Mengkaji Semula Peranan Sukan Dalam Pembangunan Masyarakat** yang akan meneliti 6 objektif utama;
 - a. **Pertama, Meningkatkan penglibatan masyarakat dalam pengamalan gaya hidup sihat, aktif dan cergas sepanjang hayat** secara inklusif;
 - b. **Kedua, Memperluas perkongsian dan pelaburan swasta atau pertubuhan bukan kerajaan** untuk membantu dalam pertumbuhan modal, pembiayaan dan meningkatkan pendapatan sektor kesukanan;
 - c. **Ketiga, Memanfaatkan media sosial mempromosikan peranan sukan** dalam gaya hidup sihat, kesihatan mental dan fizikal termasuk aspek kepimpinan merentas generasi, alam sekitar, sosial dan tadbir urus yang efektif. Objektif ini boleh menjurus kepada:
 - **Meningkatkan peranan atlet sebagai *sports influencers***, dalam mana organisasi sukan boleh memanfaatkan atau meneroka jenama atau menjadi role model dalam pembangunan sukan; dan
 - **Menggalakkan penglibatan peminat** sukan untuk memberikan pandangan konstruktif bagi mengembangmaju dan meningkatkan prestasi sukan negara.





d. **Keempat, Meningkatkan pemerkasaan dan penglibatan golongan OKU** dengan meningkatkan bantuan prasarana dan akses kemudahan sukan;

e. **Kelima, Mendukung pelancongan sukan** dengan menggalakkan penganjuran kejohanan dan festival sukan serantau dan antarabangsa seperti

2nd SEA Age Group Swimming Championships pada bulan April 2024, 1st International Wushu Championships pada bulan Mei 2024 dan Kejohanan Wushu Remaja Dunia Kali Ke-9 pada bulan September 2024; dan

f. **Keenam, Mengkaji kesesuaian Indeks Pembangunan Sukan** bagi mengukur kemajuan dan impak sukan kepada sosio-ekonomi negara yang antarlain memfokuskan kepada literasi fizikal, penglibatan, kesihatan, kecergasan, ruang / kemudahan bagi sukan dan ekonomi.

- **STRATEGI KEEMPAT** : Dalam bidang Kebudayaan; abis kaola terus Meningkatkan Pelestarian Budaya, Warisan dan Sejarah; yang memfokus kepada mendaulatkan Bahasa Melayu, Tulisan Jawi dan penerapan budaya, warisan serta sejarah.



- Sejumlah **\$26.5 Juta** telah diperuntukkan bagi Program Mengukuhkan Jati Diri dan Patriotisme termasuk Program Pembinaan, Penerapan dan Penghayatan Warisan, Budaya dan Sejarah serta Penambahbaikan Prasarana dan Kemudahan, yang merangkumi **\$2.2 Juta** bagi Mengukuhkan Kegiatan Bahasa, Sejarah dan Seni Budaya; **\$7.7 Juta** bagi Bahasa, Sastera dan Perpustakaan; dan **\$3.4 Juta** bagi Mengukuhkan Penyelidikan, Pendokumentasian dan Pemeliharaan Bahasa, Sejarah dan Budaya.





- Bagi meningkatkan lagi usaha ini, Kementerian akan memberikan penekanan kepada **Menerokai lagi Peranan Mendaulatkan, Memajukan dan Memelihara Warisan Budaya**. Ke arah ini, Kementerian akan meneliti 3 objektif utama;
 - a. **Pertama, Meningkatkan lagi imej Negara Brunei Darussalam** di

peringkat serantau dan antarabangsa. Dikongsikan, salah satu lagi warisan budaya tidak ketara yang akan dicalonkan ke UNESCO ialah, pantun Melayu;

- b. **Kedua, Menerokai lagi pemberdayaan warisan budaya tak ketara dalam kalangan masyarakat** seperti memperkasa ekspresi budaya, memanfaatkan media kreatif dan platform digital yang berasaskan budaya; dan
- c. **Ketiga, Melaksanakan kaji selidik peningkatan kefahaman dan penghayatan budaya, warisan dan sejarah** yang akan memberikan gambaran tahap kefahaman, pengetahuan dan penerapan terhadap budaya, warisan dan sejarah dalam kalangan generasi muda dan masyarakat secara amnya.

- **STRATEGI KELIMA: Abis kaola terus Memastikan Perkembangan Sistem dan Proses Yang Efisien, Efektif dan Tepat Pada Masa; yang memfokus kepada meningkatkan pengoptimuman sumber dan pembangunan sektor-sektor di bawah Kementerian, termasuk pengurusan aset bagi menambahbaik kecekapan operasi, produktiviti dan pulangan pelaburan.**
- Untuk itu, sejumlah **\$7.2 Juta** diperuntukkan bagi program Peningkatan Kemahiran, Pengoptimuman Penggunaan Digital Teknologi dan penambahbaikan prasarana serta kemudahan yang merangkumi **\$504 Ribu** bagi program Pembangunan Sumber Manusia dan **\$1.8 Juta** bagi program Pengurusan Aset.
- Bagi meningkatkan lagi usaha ini, Kementerian ini akan memberikan penekanan kepada **Membentuk Semula dan Mengembangkan Model** Penjanaan Pendapatan dengan menarik lebih banyak penglibatan agensi swasta dan pertubuhan bukan kerajaan. Abis kaola akan meneliti 6 objektif utama;
 - a. **Pertama, Kajian semula pengurusan aset** melalui program konsolidasi fiskal yang berimpak dengan nilai tambah;



a. **Kedua, Kajian semula pendekatan pengemaskinian dan penstrukturan semula fungsi perkhidmatan** yang disasarkan menjurus kepada penswastaaan dan pembangunan korporat;

b. **Ketiga, Memantapkan tadbir urus sistem dan proses dengan memanfaatkan digital dan teknologi** supaya perkhidmatan kepada pelanggan akan menjadi lebih

efisien dan berkesan;

- c. **Keempat, Meneroka dan meneliti semula perkhidmatan menjana pendapatan** seperti memanfaatkan penyelidikan dan data (data monetization) serta penggunaan kemudahan;
- d. **Kelima, Menerokai lagi kerjasama melalui tanggungjawab korporat sosial (CSR)** bagi membiayai program-program pembangunan kapasiti; dan
- e. **Keenam, Melaksanakan penambahbaikan** hasil dapatan dari Hari Mesra Pelanggan KKBS 2023.

Yang Berhormat Pehin Pengerusi dan Ahli-ahli Yang Berhormat,

Demikianlah yang Peramba / Kaola / Saya dapat bentangkan. Insyallah, dengan kerjasama rakan-rakan strategik secara senegara atau whole of nation, dan juga kerjasama daripada Ahli-ahli Yang Berhormat selaku pemimpin akar umbi, suara dan telinga rakyat, kita akan dapat memperkukuhkan lagi usaha mencapai matlamat bersama iaitu Bangsa Brunei Cemerlang.

Sekian.

وباهل التوفيق والهداية والسالم عليكم ورحمة هلا وبركات

MAJLIS BERTADARUS AL-QURAN BAGI KKBS DAN JABATAN-JABATAN DIBAWAHNYA




BANDAR SERI BEGAWAN, Selasa, 7 Ramadan 1445 / 19 Mac 2024 – Dalam menyemarakkan lagi bulan Ramadan yang penuh keberkatan ini, Kementerian Kebudayaan, Belia dan Sukan serta Jabatan-Jabatan di bawahnya telah mengadakan Majlis Bertadarus Al-Quran di Masjid Suri Seri Begawan Raja Pengiran Anak Damit, Kampong Manggis/Madang, Daerah Brunei dan Muara.

Program Tadarus Al-Quran dimulakan dengan bacaan Surah Al-Fatihah secara beramai-ramai dan seterusnya bacaan ayat-ayat suci Al-Quran secara bergilir-gilir yang didahului oleh Yang Mulia Awang Nuzuli bin Haji Jumat, Pegawai Hal Ehwal Masjid serta disusuli dengan bacaan Doa Allah Peliharakan Sultan dan Negara Brunei Darussalam serta Selawat Tafriyyah dan Sayyidul Istighfar.



MUNAJAT RAMADHAN ANJURAN KHEU KALI KE-130




BANDAR SERI BEGAWAN, Sabtu, 11 Ramadan 1445 / 23 Mac 2024 - Kementerian Hal Ehwal Ugama (KHEU) meneruskan acara Munajat Kali Ke-130 dikenali Munajat Ramadan bersempena kita berada di bulan Ramadan yang di dalamnya, peluang mempertingkatkan amal ibadah dan amal kebajikan semata-mata untuk meraih kelebihan dan ganjaran pahala berlipat ganda dibukakan seluas-luasnya oleh Allah Subhanahu Wa Ta'ala.

Kementerian Kebudayaan, Belia dan Sukan dan Jabatan-Jabatan Di Bawahnya telah menyertai Munajat Ramadan secara maya di Surau Kementerian Kebudayaan, Belia dan Sukan.

Munajat Ramadhan dimulakan dengan bacaan Sayyidul Istighfar dan Surah Al-Fatihah dipimpin oleh Yang Mulia Pengiran Muhammad Ameer Mubarak bin Pengiran Haji Hashim, Pemangku Pegawai Daerah Brunei dan Muara, Jabatan Daerah Brunei dan Muara, Kementerian Hal Ehwal Dalam Negeri dari Masjid Mohamed Bolkiah, Serusop.

MESYUARAT KE-31 MAJLIS KOMUNITI SOSIO-BUDAYA ASEAN (ASCC)



LUANG PRABANG, LAO PDR, Ahad, 12 Ramadan 1445 / 24 Mac 2024 - Yang Berhormat Dato Seri Setia Haji Awang Nazmi bin Haji Awang Mohamad, Menteri Kebudayaan, Belia dan Sukan telah menghadiri Mesyuarat ke-31 Majlis Komuniti Sosio-Budaya ASEAN (ASCC) yang telah diadakan pada 23 hingga 24 Mac 2024 di Luang Prabang, Lao PDR.

Mesyuarat tersebut yang bertemakan “Enhancing Connectivity and Resilience” dipengerusikan oleh Puan Yang Terutama Suanesavanh Vignaket, Menteri Penerangan, Kebudayaan dan Pelancongan Republik Demokratik Rakyat Lao, selaku Pengerusi Majlis ASCC tahun 2024, dan turut dihadiri oleh para Menteri ASCC atau wakil, dan Setiausaha Agung ASEAN. Mesyuarat juga dihadiri oleh Timor-Leste selaku pemerhati. Mesyuarat Ke-31 Majlis ASCC didahului oleh Mesyuarat Ke-2 Ad-Hoc Working Group to Develop ASCC Post-2025 Strategic Plan dan Mesyuarat Ke-36 Senior Officials Committee Meeting for the ASCC (SOCA) yang telah diadakan pada 21 hingga 23 Mac 2024.



MAJLIS BERTADARUS MALAM-MALAM BULAN RAMADAN BAGI TAHUN 1445H



MAJLIS BERTADARUS MALAM-MALAM BULAN RAMADAN BAGI TAHUN 1445H
Ahad, 24 Mac 2024 di Surau, Istana Nurul Iman



www.mkg.gov.bn @Mku_Jerneh Kementerian Kebudayaan, Belia dan Sukan



www.mkg.gov.bn @Mku_Jerneh Kementerian Kebudayaan, Belia dan Sukan



www.mkg.gov.bn @Mku_Jerneh Kementerian Kebudayaan, Belia dan Sukan

ISTANA NURUL IMAN, Ahad, 12 Ramadan 1445 / 24 Mac 2024 — Majlis Bertadarus Malam-Malam Bulan Ramadan bagi Tahun 1445H/2024M diteruskan lagi bagi malam ke-13 di Surau, Istana Nurul Iman.

Turut hadir pada majlis tersebut ialah Yang Mulia Pengiran Mohammad Amirrival bin Pengiran Haji Mahmud, Setiausaha Tetap (Kesukanan), Kementerian Kebudayaan, Belia dan Sukan ; Yang Mulia Pengiran Haji Mohd. Hasnan bin Pengiran Haji Ali Hassan, Setiausaha Tetap (Kebudayaan) Kementerian Kebudayaan, Belia dan Sukan dan Yang Mulia Awang Haji Zakaria bin Haji Serudin, Setiausaha Tetap (Kebeliaan), Kementerian Kebudayaan, Belia dan Sukan.

Atur cara dimulakan dengan menunaikan Sembahyang Fardu Isyak dan Sembahyang Sunat Tarawih Berjemaah, diikuti dengan bacaan Tadarus Al-Quran.



www.mkg.gov.bn @Mku_Jerneh Kementerian Kebudayaan, Belia dan Sukan



www.mkg.gov.bn @Mku_Jerneh Kementerian Kebudayaan, Belia dan Sukan



www.mkg.gov.bn @Mku_Jerneh Kementerian Kebudayaan, Belia dan Sukan



www.mkg.gov.bn @Mku_Jerneh Kementerian Kebudayaan, Belia dan Sukan

KONGSI KESEMBIRAN BERSAMA PELAJAR PUSAT EHSAN



BANDAR SERI BEGAWAN, Jumaat, 17 Ramadan 1445 / 29 Mac 2024 — Seramai 15 pelajar Pusat Ehsan Al-Ameerah Al-Hajjah Maryam (Pusat Ehsan) diraikan pada Majlis Berbuka Puasa yang dihoskan oleh Pakar Bedah Pergigian dan Pengurus Amalan Kumpulan Pergigian Premier (Dental Surgeon and Practise Manager of the Premier Dental Group), Dr. Murali Rao dan isteri, Dr. Sumaya Rao bertempat di salah sebuah hotel di ibu negara.

Hadir selaku tetamu kehormat pada majlis berkenaan, Menteri Kesihatan, Yang Berhormat Dato Seri Setia Dr. Awang Haji Mohammad Isham bin Haji Jaafar; dan Menteri Kebudayaan, Belia dan Sukan, Yang Berhormat Dato Seri Setia Haji Awang Nazmi bin Haji Mohamad berserta isteri masing-masing.

Majlis seterusnya menyaksikan penyampaian sumbangan derma oleh Yang Berhormat Menteri Kesihatan dan Yang Berhormat Menteri Kebudayaan, Belia dan Sukan bersama Dr. Murali Rao dan Dr. Sumaya Rao kepada 15 ahli Pusat Ehsan.

MUNAJAT RAMADHAN ANJURAN KHEU KALI KE-131



TEMBURONG, Sabtu, 18 Ramadan 1445 / 30 Mac 2024 — Kementerian Hal Ehwal Ugama (KHEU) meneruskan acara Munajat Ramadan Ke-131 bersempena bulan Ramadan yang di dalamnya peluang mempertingkatkan amal ibadah dan amal kebajikan semata-mata untuk meraih kelebihan dan ganjaran pahala berlipat ganda dibukakan seluas-luasnya oleh Allah Subhanahu Wata'ala. Tumpuan utama Munajat Ramadan kali ini ialah di Masjid Utama Mohammad Salleh, Pekan Bangar, Temburong.

Kementerian Kebudayaan, Belia dan Sukan dan Jabatan-Jabatan Di Bawahnya telah menyertai Munajat Ramadan secara maya di Surau Kementerian Kebudayaan, Belia dan Sukan.

Munajat Ramadan dimulakan dengan bacaan Sayyidul Istighfar dan Surah Al-Fatihah dipimpin oleh Yang Mulia Awang Mohamad Yassin bin Haji Ahmed, Pemangku Pegawai Daerah Temburong dari Masjid Utama Mohammad Salleh, Pekan Bangar, Temburong.



سلامت میمبوت بولن رمضان


Selamat Menyambut Bulan Ramadan 1445H/2024M



*Ikhlas daripada:
Warga Kementerian Kebudayaan, Belia dan Sukan*

 www.kkbs.gov.bn

 [kkbs_brunei](https://www.instagram.com/kkbs_brunei)

 Kementerian Kebudayaan, Belia dan Sukan

E-POSTER SEMPENA MENYAMBUT BULAN RAMADAN 1445H/2024M



سلامت ممقرايغتي نزول القرآن تاهون ١٤٤٥ هجرة

Selamat Memperingati Nuzul Al-Quran Tahun 1445 Hijrah

تيمًا:
القرآن قدومناكو


Sesungguhnya Al-Quran ini memberi petunjuk (ke jalan) yang lebih lurus dan menyampaikan khabar gembira kepada orang-orang beriman yang mengerjakan amalan-amalan soleh bahawa sesungguhnya bagi mereka pahala yang besar.

Surah Al-Isra, Ayat 9



 www.kkbs.gov.bn

 [kkbs_brunei](https://www.instagram.com/kkbs_brunei)

 Kementerian Kebudayaan, Belia dan Sukan

**E-POSTER SEMPENA MEMPERINGATI NUZUL AL-QURAN
TAHUN 1445H/2024M**



كمتريڤ كبودايان بليادان سوكن

KEMENTERIAN KEBUDAYAAN, BELIA DAN SUKAN
NEGARA BRUNEI DARUSSALAM

Dikeluarkan oleh:

Kementerian Kebudayaan, Belia dan Sukan

Negara Brunei Darussalam

E-mel: Info@kkbs.gov.bn

Laman Sesawang: www.kkbs.gov.bn

Instagram: @kkbs_brunei

Facebook: Kementerian Kebudayaan, Belia dan Sukan